

SAMOA

Faatulagaina o Aiaiga

- | | |
|--|---|
| 1. Igoa puupuu ma le amataga | 5. Soloia |
| 2. Tulafono Autu | 6. Malosiaga lautele e faia ai tulafono faatonutonu |
| 3. Faaofiina o le fuaiupu fou | 7. Aloaia o fesoasoani faameaalofa o tiute sa tuuina atu muamua |
| 4. Tupe toe faafoi o le tiute i luga o oloa ua auina ese atu | |

2007, Nu. 18

**O SE TULAFONO e teuteu ai le Tulafono o le Ofisa o Tiute
1977. [29 Mati
2007]**

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua leni Tulafono o le Tulafono o Teuteuga o le Tulafono o le Ofisa o Tiute 2007.

(2) O leni Tulafono e tatau ona amata faamamaluina i le aso e tuuina i ai le maliega a Le Ao o le Malo.

(3) O le faasilasilaga o le amata faamamaluina o leni Tulafono e tatau ona lomua faasalalau i le gagana Samoa ma le gagana Peretania i le Savali ma se isi nusipepa o lo o faasalalauina i totonu o Samoa.

2. Tulafono Autu – I totonu o lenei Tulafono, “Tulafono Autu” o lona uiga o le Tulafono o le Ofisa o Tiute 1977.

3. Faaofiina o le fuaiupu fou - Ua faaofiina le fuaiupu fou o le Tulafono Autu i le tuanai ai o le fuaiupu 163 e faapea:

“163A. Tuusaunoaga mai tiute-(1) I le noatia ma le fai fuafua i le faafuaiupu (2) ma (3), e mafai ona tuuina atu tuusaunoaga mai tiute mo oloa faaulufale mai i Samoa ua faamaonia e tusa ai o se atinae agavaa.

(2) Faatoa mafai ona faia tuusaunoaga mai tiute e tusa ai ma taiala faataatitia ua faatonuina i totonu o tulafono faatonutonu.

(3) E mafai ona tuuina atu atoa po o se vaega o ia tuusaunoaga mai tiute e tusa ai o tulaga aliae mai ma i le noatia ma fai fuafua i ia tuutuuga ma tapulaa e pei ona faatonuina, e avea o tulaga aliae ma tuutuuga ma tapulaa ia e faasino i oloa i le tulaga lautele po o i oloa ua aofia ai i se vasega o oloa.

(4) O tulafono faatonutonu ua faia i lalo o le faafuaiupu (2) po o le (3) e mafai ona aiaia ai le faalēaogāina o oloa i le Malo ma mo le faia o soligatulafono ia e faasalaina ai i se sala tupe e oo atu i le 500 iunite tau faasalaga po o le nofo sala i le falepuipui mo le tausaga e tasi (1), po o faasalaga uma e lua.

(5) I totonu o lenei fuaiupu ae vagana ai ua manaomia e le mataupu se isi uiga e ese ai:

“oloa ua faamaonia” o lona uiga o oloa ua faaaogāina e faasino i se atinae agavaa lea ua faamaonia ai oloa mo faamoemoega o lenei fuaiupu e le Ofisa Sili o Pulega o le Matagaluega o Tupe, e tusa ai ma taiala faataatitia ua faatonuina i tulafono faatonutonu;

“atinae agavaa” o lona uiga o se faletalimalo po o isi atinae ua faamaonia e le Minisita o Tupe, i le faia i luga o le fautuaga a le Kapeneta ina ia tusa ai ma taiala faataatitia ua faatonuina i tulafono faatonutonu.”.

4. Tupe toe faafoi o le tiute i luga o oloa ua auina ese atu - Ua teuteuina le fuaiupu 166 (1) o le Tulafono Autu i le aveesea o le parakalafa (d).

5. Soloia - Ua soloia le fuaiupu 166A o le Tulafono Autu.

6. Malosiaga lautele e faia ai tulafono faatonutonu-Ua teuteuina le fuaiupu 279 o le Tulafono Autu i le faaofiina i ai ina ua tuanai le parakalafa (g):

“(ga) e faatonuina ai totogifuapauina ma tau faaee atu mo auaunaga ua tuuina atu e tagata ofisa a le Ofisa o Tiute faapea auala e iloilo ai ma le totogiina o ia totogifuapauina ma tau faaee atu;”

7. Aloaia o fesoasoani faa-meaalofa o tiute sa tuuina atu muamua-(1) O le faamoemoe o leni fuaiupu o le faamausaliina lea o le aloaia o fesoasoani faa-meaalofa o tiute ua faamaonia e le Kapeneta ma faamatuu atu i se tagata e faaulufaleina mai oloa a o lumanai ai le aso e amata faamamaluina ai.

(2) O fesoasoani uma faa-meaalofa o tiute ua faamaonia e le Kapeneta ma faamatuu atu i se tagata e faaulufaleina mai oloa a o lumanai ai le aso e amata faamamaluina ai ua aloaia ma e tumau pea le aloaia e faapei ai sa faamatuu atu aloaia i lalo o le fuaiupu 163A o le Tulafono Autu.

(3) I totonu o leni fuaiupu “o le aso e amata faamamaluina ai” o lona uiga o le aso e faamamaluina ai leni Tulafono.

O le Tulafono o Teuteuga o le Tulafono o le Ofisa o Tiute 2007 o lo o faafoeina e le Matagaluega mo Tupe Maua.

**Lolomiina e le Failautusi o le Fono Aoaio Faitulafono,
i le pule a le Fono Aoaio Faitulafono.**